

痘疹百問

痘疹百問秘本目錄

一問痘疹治病之由

二問所感胎毒之患

三問胎毒何藏之處

四問巢氏識痘之年

五問痘疹先見頭面

六問四臟有症腎獨無症

七問痘疹發熱與諸熱不同

八問痘疹潮熱歸時

九問辨症

十問痘疹約日

十一問春夏爲順秋冬爲逆

十二問遍認痘瘡

十三問痘瘡先發搐

十四問正痘膚瘡

十五問痘疹餘毒作嘔吐

十六問吐瀉不食

十七問貴賤不同用藥

十八問痘瘡斑痘起始

十九問痘疹勸戒

二十問萬物以榮

二十一問怪痘

二十二問孽痘

二十三問腰痛

二十四問驚搐

二十五問發癢

二十六問腹痛

二十七問殼痘

二十八問看痘心法

二十九問訶核

三十問發熱日數

三十一問身熱未解紅赤焦紫

三十二問初起雜碎

三十三問漱水不欲嚥

三十四問咳嗽痰喘兩頰不起

三十五問有汗無汗解表

三十六問退熱解毒

三十七問身熱紅赤未解

三十八問身熱大渴焦紫

三十九問口渴咬牙大便黃稠

四十問煩躁熱悶不起

四十一問紫而伏陷兩目不明

四十二問身痛發熱嘔吐

四十三問痘瘡有痰

四十四問不能飲食身熱口渴

四十五問焦紫細小

四十六問金白色如痘殼

四十七問頭面焦紫口邊淡白

四十八問退熱不效

四十九問醫者往往不肯退熱

五十問瘡出稠密能食瀉下如水

五十一問痘瘡被觸

五十二問審看頤額吐瀉

五十三問外紅內紫

五十四問糞下臭滯或有鮮血

五十五問一似粟米黍米之樣

五十六問殊砂之色紫漂樣

五十七問一似赤遊風

五十八問一似白膘水珠

五十九問脹滿疼痛

六十問下部起遲漿來不足

六十一問膿散成餅

六十二問一似天泡瘡

六十三問紫泡疔

六十四問潰爛成坑

六十五問觸分內外

六十六問心煩不得眠

六十七問貫黑血泡

六十八問灌紫血泡

六十九問起白泡

七十問痘瘡紫黑色

七十一問紫粉色

七十二問灌水

七十三問白色

七十四問黑色

七十五問紫而青慘色

七十六問紫赤色

七十七問過頭紅

七十八問痘瘡忌

七十九問口鼻出血

八十問大便下血

八十一問朝夕啼哭

八十二問下痢腹痛

八十三問下痢分別用藥

八十四問瀉痢用藥有效無效

八十五問有應利而不應利

八十六問痘瘡不透狂燥

八十七問泄瀉黑陷

八十八問黑陷有四症

八十九問愈後解利熱毒

九十四問痘癰輕重

九十一問痘疹共出

九十二問癰痘共出

九十三問自言目有烟煤狀

九十四問痘疹咽痛

九十五問痘疹滿口生瘡

九十六問痘瘡咽痛用攪點

九十七問疹子出起噎即收去

九十八問疹子出起一似墨點之狀

九十九問悞投寒藥又傷胃氣

一百問用熱太過而一痢

百一問忌葷腥

百二問忌食粥

百三問渴症

百四問實症

百五問虛症

百六問虛紅

百七問實紅

百八問透頂紅

百九問熱病

百十問陷頂

百十一問爛瘡

百十二問氣虛

百十三問氣實

百十四問氣寒

百十五問氣熱

百十六問血虛

百十七問血實

百十八問血寒

百十九問血熱

百二十問表虛

百二十一問表實

百二十二問表寒

百二十三問表熱

百二十四問裏寒

百二十五問裏熱

百二十六問諸家用藥

百二十七問用木香散

百二十八問用異攻散

百二十九問用荳蔻丸

百三十問用三黃熟艾湯

百三十一問用白朮散

百三十二問化班丸消毒飲

百三十三問用中和湯

百三十四問用著歸湯

百三十五問用四君子湯

百三十六問用升麻葛根湯

百三十七問不宜用升麻葛根湯

百三十八問或用升麻葛根湯

百三十九問用紫草茸飲

百四十問用人牙散

百四十一問七金散

百四十二問用活血散

百四十三問用百祥丸

百四十四問用導赤散

百四十五問紫草木通湯

百四十六問用犀角地黃湯

百四十七問用黑龍丸

百四十八問用當歸散

百四十九問用四物湯

百五十問麥門冬散

百五十一問用麥門冬散

百五十二問用人參清肺飲

痘疹百問秘本

白嶽吳學損損庵校訂

一問痘疹治病之由者何也

小兒在胎之時，乃五臟六腑所養成形也。其母不畏禁忌，恣意所慾，加添滋味，好啖辛酸，或食毒物，其毒搏於胞胎之中，所以小兒出胎之時，受其毒發為瘡疹。其痘疹者，三穢液毒也。○一者五臟六腑穢液之毒，發為水泡瘡也。○二者皮膜筋肉穢液之毒，發為膿水泡瘡也。○三者氣血骨髓穢液之毒，發為血水

痘疹百問秘本

一

泡瘡也。三者既出發爲痘疹瘡也。母子皆當慎口。卽不可食葱、韭、酒、醋、鹽、醬、葷、兔、雞、犬。及河海魚蟲腥味等物。世俗未曉。將爲發舉。往往不顧其後。悞傷者多矣。

三問所感胎毒之患何也

痘疹之由。是始生之時。啼聲一發。口中所含惡血。隨吸而下。還歸右腎胞絡之中。其瘡之發。下焦相火熾也。三等之毒。皆出於足太陽寒水之經。外爲大寒。內爲二火交攻。化血肉爲膿水。而發寒邪。可令內瀉二

火令其濕氣上歸本位一二服斑疹即愈以後再無
二番班出之患不損生命矣

三問胎毒何藏之處

痘瘡始出之症必先面燥腮赤呵欠煩悶乍涼乍熱
咳嗽噴嚏足稍冷多睡驚悸並作痘疹之症或生膿
泡或水泡或生血泡或生斑瘡或生癰疹此三等不
同蓋諸症皆屬太陽寒水起于右腎之下煎熬左腎
足太陽膀胱寒水夾脊逆氣上頂下頂魚三穴
火不得傳導逆於面上是壬寒水逆尅丙丁相火故

也。

四問巢氏識痘之年

夫天行疏豆瘡者。自西漢以前。經書不載。又云建武年間。於南陽戰。口口人皆出痘瘡。衆呼爲口瘡。長次大小相繼傳染。爲受口役之氣故也。後世明醫巢氏經云。說出瘡痘斑疹。龐氏云。天行疏豆瘡出者。自漢魏以前。經方不載。或云。建武中。於南陽征。口所得呼爲口瘡。考之於史。建武乃光武年。自光武至魏。相去一百九十五年。則是東漢也。龐氏兼言漢魏。能無此

乎蓋小兒痘瘡是托質成形在胎食母穢液何以知之其兒生下未食乳前古今以黃連汁飲之一二日乃下胎糞者是也以此觀之胎中食穢明矣出腹啼聲纔落則嚥下穢血生婆急拭口中令淨兒生少病同胎糞而下唯血穢之氣存焉錢氏云餘血入兒臟中本因傷寒入兒成痘瘡因傷寒時氣潮熱運動穢氣入于五臟其毒當出譬之荒野草木無根而生者蓋受地土之氣也小兒痘瘡因熱而生者因受胎穢之毒也五臟受穢多則出盛少則出稀兼臟則爲相

雜兒稟氣虛則出早，氣實則出晚。地虛則萌芽早，地實則遲。穢氣入肝，與淚相感，則出水泡。色白微青，以應肝之象。入心，與血相感，則出班子。色帶深紅，以應心之象。入脾，以與涎相感，則爲疹子。色赤黃淺，錢氏云：脾爲裹血故也。赤黃淺，以應脾家之象。入肺，與涕相感，則出膿泡。色白而肥，以應肺之象。腎主色黑而下，不受穢氣，痘瘡不透，卽變黑色，以應腎之象。惟腎症初出者，腎小紫黑，出而不透，痰喘煩渴者不治。亦有初出微紅者，後因不謹，以致脾虛腎旺，多作寒戰。

咬牙之症其瘡欲出五臟先有症候各有時辰錢氏云呵欠煩悶肝也時作驚悸心也乍涼乍熱脾也顏赤嗽涕肺也寒戰咬牙腎也

五問痘瘡先見頭面者何也

凡痘瘡先欲出見頭面者難經云諸陽皆會於頭錢氏云痘瘡屬陽出則爲順素問云春陽上升故瘡先見於頭面也又云頭額心胸最可驗之何耶其痘瘡初出自心至於胃而發於肺經曰諸痛瘡瘍皆屬心火炎上上至頭額又胸前至心火不遠矣是知痘瘡

必於二處先有紅點也。又云向陽花木易於逢春，豈不爲之驗哉。

六問四臟有症，腎獨無症者何也。

小兒在胎以食毒穢以養五臟，生下則其症當出痘疹。悉見呵欠煩悶者，肝也。乍涼乍熱，手足稍冷，多睡者，脾也。時發驚悸者，心也。面赤咳嗽打嚏者，肺也。惟腎在腑下，不受穢濁，獨無其症。耳尻冷者，乃是也。蓋耳尻俱屬腎水，又居腑下，若見痘瘡黑陷，耳尻發熱者，乃變壞歸腎之症，爲逆也。

七問痘疹發熱與諸熱不同

小兒痘瘡其初不免發熱臨病之際不可不審一槩用藥鮮不敗事今列于後以便後學者○傷寒發熱手足稍微冷發熱惡寒而無汗及面色青慘而不舒而額有青紋者是也○傷風發熱手足稍微溫發熱自汗面赤而油光有汗者是也○傷食發熱目胞微腫右額有青紋身熱頭額肚腹最甚夜熱晝涼面黃吐利腹痛者是也○傷風發熱面色青紅額中疔有青紋手心有汗時作驚悸手絡脉微動而發熱者是

也。○風熱者，身熱，倍能食，唇紅，頰赤，小便秘者是也。
○潮熱者，如水之潮，依時而至者是也。痘疹熱必有
四臟之症也。耳冷，中指冷，尻冷者是也。

八問潮熱之症，痘疹歸時者何也。

谷空響應，形動影隨，舉此而爲彼也。痘疹發熱，看其
潮熱之時，可知何臟發出者也。寅卯辰時潮熱屬肝，
當出水泡。巳午未時潮熱屬心，當出斑瘡。申酉戌時
潮熱屬脾，當出疹子。
惟腎無症，故不發熱也。

九問辨症

人稟天地人，要元氣壯盛。論語註云：肉氣不可勝穀氣，穀氣不可勝元氣。人身氣血相乘，環轉頂足，氣旺血和人安，血敗氣弱，則生疾。小兒痘瘡初出，肌體至熱，得氣壯，則出長皆齊，歛疤易。大警春種十日方出，夏至五六日即長，爲何氣盛然也。痘出如火熾，若投涼如水投火，則傷其和。又如痘瘡出長皆齊，或小兒吃涼物，便減元氣，如水滅火力然也。氣體削弱，身反加熱，致瘡遲出，不曉者再溫涼藥餌，致臟冷瀉，其命

傾矣。嬰兒保鑑云：痘瘡是臟腑俱熱，發于皮膚為之。熱在腑，發之即疹；熱在臟，發之即痘。夫痘非一治，未出可下，解熱而退，既出切勿下。及冷藥逼，致其痘毒伏在裏，則害人矣。痘瘡之病，首尾病平下之者，誤。首尾有實熱症，不下者，誤。不可用巴豆丸藥下之。此藥乃攻食積之用。活人書云：首尾有虛寒症，不補助者，誤。痘瘡出透，色澤微紅，症平者，不須服藥。如症候平穩，強施湯藥，反致殺候。大抵治病之法，對症用藥，有是症，服是藥，順其性則生，逆其病則死。此理昭然。

十問痘瘡約日者何也

小兒痘瘡與傷寒相類。或安或危。或見或隱。皆六七日之間歸症明矣。凡痘欲出先發熱。輕者三四日。或五六月。遠者不過七日。此約法也。一日太陽膀胱。二日陽明傳胃。三日少陽傳胆。四日太陰傳脾。五日少陰傳腎。六日厥陰傳肝。七日過經傳遍五臟六腑。故七日而止也。有小兒因傷寒至七日後。或已汗。或未汗。或吐下後。熱不除此毒氣盛而發熱。毒入胃發于皮膚成班者。狀如蚊蚤所嚙。赤班十生一死。黑班十

死一生及有胃熱發黃者狀如橘色下痢者死又有
或癰疹或白泡者皆傷寒熱毒不除多變此疾也巢
氏曰發斑不可用發汗藥演山云一日二日如粟米
二日三日如葶苈三日四日如黍米四日五日如珠
子五日六日如白荳六日七日如蠟色七日八日如
炙瘡八日九日去靨也如此之數則無憂慮之心如
有前後不依此例者方可用藥也

十一問春夏爲順秋冬爲逆者何也

經云春夏陽氣在上人氣亦在上秋冬陽氣在下人

氣亦在下。今痘之法，自裏達表，當春夏之時，則氣血隨陽氣上運而行疾，秋冬氣血隨陽氣下陷而行遲，是以發于春夏爲順，秋冬爲逆。又當論小兒稟氣充實，堪耐寒暑，變更不以爲事，雖發秋冬亦不爲害。受氣弱者，寒暑易節，便生疾病，雖發于春夏未可言爲順也。

十二問認遍痘瘡者何也

楊氏云：方論所載皆以耳冷尻冷中指冷驗之，或中或否，當以耳後有紅紋赤縷爲的也。董氏云：宜以紅

紙捻點清油以照心胸間必有小紅點如粟起者乃
是痘症也謝氏曰忽然發搐但無痰涎不惡風惟惡
熱腹痛則腹先出眼澁則眼先出熱輕痘亦輕熱重
痘亦重身熱而不出直待身涼而出錢氏曰面燥唇
赤眼睛黃目胞赤四肢亦赤手足冷耳尖冷尻冷鼻
冷身熱或乍涼乍熱頭面腰脊強痛小便赤少大便
不通不惡寒惟惡熱昏倦多睡必有四臟之症也

十二問痘瘡先發搐者何也

夾熱吐利不可妄投燥藥蘊痘瘡發搐者不可妄投

驚劑經云諸瘡皆屬于心。今痘瘡雖出于四臟。要知心實之爲主。毒氣始作未形之間。忽然發搐。乃毒自心經而出也。苟不以外症辨明之。則悞矣。痘疹必有中指冷。四臟之症。不以痘疹防備之。便用銀粉巴硝。腦射大黃等劑。致使心寒肌冷。毒氣內陷。往往痘瘡之初發搐者。多因悞服涼藥而悞死。氣絕之際。或隱隱斑出。已無及矣。蓋心竅一寒。則毒氣盡伏于裏。不透。况心主一身之血。心寒則血凝不行。痘瘡發驚。必有外症可驗。又小兒求居安樂。素無疾苦。或一時發

搗者、痘瘡也、用解表退熱、消毒快氣、以利小便藥服之、不致悞症、待其熱症得泄、心神亦自安矣、或有風寒與內熱相搏、以致疾者、各從其症治之、但加勻氣藥爲妙、張氏曰、痘瘡氣勻則出快、蓋氣勻則榮衛無滯、有邪亦散、大抵治驚惟平其肝、以利小便爲第一急也、錢氏曰、班由心所主熱而生、血熱則生風、肝風心火、五臟交爭而發搗也、又曰、脾者發于疹也、脾虛而肝旺乘之、木能勝土也、熱動心神而生驚矣、

十四問有正痘有膚瘡者何也

臟腑蘊熱不同表裏受症各異六腑爲陽有熱則易
出、一出遍於肌皮之上、如沸瘡泡子、見而便沒、受毒
淺也、此名膚瘡、俗曰麻子、五臟屬陰、有熱則難出、在
肌肉之間、受毒深也、此爲痘瘡、大熱蒸而易便出者
必膚瘡、久熱而難出者必痘瘡也、湯氏曰、痘瘡之症、
與傷寒相似、當發表、使毒氣出膚而成細疹、若失表、
則熱毒在臟、則成痘瘡、楊氏曰、由風寒夾熱、起于腠
理皮膚、不痒、不痛、不腫、而爲隱疹、此風熱在表之浮
洩也、亦有寒暑濕之氣行焉、風熱在表、天氣炎暄、燥

氣乘之則爲赤斑、風熱在裏、天氣寒涼、冷氣拆之、則成白疹、赤者遇清涼而後滅、白者遇溫煖而後消、又有浴後感受、汗出解脫得之者、隱隱微黃、似赤似白、凝滯肌肉之間、而四體重著、此風熱夾濕、當分寒暑濕之由、不可一槩用冷熱等藥、以使痰嗽喘渴雜症交攻、由隱疹變爲痘疹也。

十五問痘疹餘毒作嘔吐者何也

脾胃主納而不出、大腸主出而不納、痘瘡嘔吐、餘毒在胃也、病有冷熱之不同、藥有溫涼之各異、醫者明

之熱者心煩而渴食吐甚急聚滿膈中復有吐出如射其人必面赤手足心熱居處喜冷宜去桂五苓散加橘皮加薑汁服之冷吐者面色青白乳色隨吐而不化大小便自利宜理中湯益黃散大抵病後餘毒多是熱症其間冷症者十有一二也

十六問吐瀉不食者何也

吐瀉有冷熱之不同不食有虛實之各異吐而不渴瀉而手足冷面青白此冷症也益黃散治之既吐而且渴手足心熱面赤身熱喜居冷處此熱症也用五

癰疹百問秘本
上
苓散竹葉石膏湯、加橘皮治之。脾胃虛弱、精神慢而
不食者爲虛、當溫養之。宜理中湯。身熱中滿、不食者
爲寔、清利之。小柴胡湯之類也。

十七問 貴賤不同用藥亦異者何也

富貴之人形樂而志苦、加之奉養、遇風而寒、暑邪氣
易爲侵襲、方暑而傷熱、遇陰則中寒、嗅荆芥薄荷而
腹痛、服薑桂雄附而不知熱、貧賤之人其身雖苦、其
志則安、服薑桂蒼朮則發熱、風雨霜雪而習以爲常、
用藥之劑不可一槩論、又有形志俱樂、形志俱苦之

不同醫者併宜審之

十八問痘瘡班痘起始者何也

夫痘瘡班疹始出之間必見面燥腮赤目胞赤呵欠煩悶乍涼乍熱咳嗽噴嚏足稍冷多睡忽驚並是痘疹之症或生膿泡或生小紅班或生隱疹此三等不同然皆顯上症而後乃出蓋已上諸症皆是太陽寒水起于右腎之下煎熬左腎是太陽寒水夾脊逆流上頭下額逆手太陽丙火不能傳導逆於肉裏面上故顯是症蓋壬寒水克丙丁相火故也諸般症皆從

痘疹百問必本

寒水逆流而作也。醫者當知此理，乃敢用藥。夫胞者，一名赤宮，一名膀胱，一名命門。主男子藏精，施行婦人繫胞有妊，俱爲生死之源。非五行也，非水亦非火也。此陰陽之異名也。象坤土之生萬物。夫人胎感血海始淨，一日二日，則精緣於血，則爲男子。三日四日五日，血氣已旺，精不勝血，則爲女人。乃二物相搏，長先生身，謂之神。又謂之精道。釋二門，謂之本來面目是也。其子在腹中十月之間，隨母呼吸，兒生動作，益精氣神。飢則食母肉，渴則食母血，隨日而長，皮肉筋

骨血脉形氣俱足十月降生口中常尚有惡血啼聲
一發隨吸而下此惡血復歸命門胞中僻于一隅伏
而不發直至因內傷乳食濕熱之氣下溜合于腎中
二火相交攻營氣不從逆于肉裏歸于陽明故三番
斑症始顯皆是太陽壬膀胱克小腸其始出皆見于
面終歸陽明肉裏化爲膿血二火熾盛反傷寒水遍
身俱出此皆足太陽傳變中來也當外發寒邪使其
消散內瀉二火不令交攻中令濕土復其本位可一
二服立止仍令小兒再無二番班出之患此內外經

之法詳矣。

十九問痘疹勸戒

多有人不會醫小兒痘疹，今具捷法，如信用之者，俱保十全。醫至當先說病源，然後診視，庶無差錯。言者幾何人哉？痘疹既有分曉，却有三症：一曰好痘，二曰常痘，三曰危症。一好痘者，若飲食與大便如常，或一日一次，二日一次，通者皆為好症，不須服藥，其瘡自愈。如要服藥，只以平和之劑。二常痘者，出痘瘡大便秘，小便赤者，此是常症。三危症者，痘瘡而腹瀉不

已小便清者此爲危症用生料理中湯入米三十粒
濃煎服之人家出痘爲父母者切忌色慾不得煎油
出廐仍須忌食一切毒物

二十問萬物以榮者何也

大抵天地萬物遇春而生發至夏而長成乃藉陽氣
薰蒸故得生成者也今痘瘡之病臟腑調和則氣充
實自然易出易回蓋因外常和煖無由冷氣之所侵
也

二十一問怪痘者何也

怪痘者始無發熱四臟之症忽然而出於頭面之間
或二三四點根紅頭似覺好痘至四五日忽然發熱
一齊湧出痘瘡稠密無縫者不可治也如稀朗者亦
有可生之兆夫怪痘者出半邊歪斜不圓如此之痘
可宜斟酌醫治

二十一問望痘者何也

望痘者痘之標準也或凶或吉先發數點於棹點未
齊之間以爲諸痘之標也謂之望痘不多數點頭紅
圓活者生若點至十餘頭黑者又延日子日久不治

此等痘瘡可急服藥則保矣

二十三問腰痛者何也

其症必發熱腰痛，腰者內腎處也。小兒雖曰無腎，亦

起先腰痛者

是腎敗五六日必死

小兒無腎者非無腎也，以小兒未經斷喪宜無腎虛之症，今見

此症則其腎敗明矣，十數歲後一經斷喪者不在此論

此症已見復收腎屬骨毒敗歸於腎以

而腰痛者致腰痛八日而死

二十四問驚搐者何也

此症驚者是以血氣不能養心以致咬牙驚搐者用

白茯苓二錢，甘草一錢煎服之。若掉點之後若戰慄

意必多百問必大

通驚不止九次而死

二十五問痘瘡發痒者何也

其痘症屬肝乃木也木生風心主血肝藏之血虛不能潤養於肝如木動生風主痒此痘最忌風急補治痒以隄防不然至七日大發痒九日而死者不是本瘡發痒表裏皆虛裏虛發寒其症未曾發熱瘡點先見于眼角或額與印堂或頭頂髮際之間然後發熱一齊而出如蚕子麩皮樣或有審朗不勻不須治也

七日而死大能服藥十救一二

二十六問腹痛者何也 兼症瘳治方

此痘多屬于脾胃上發熱掉點肚腹大痛其痛自小
腹起上冲心其腹必脹乃厥陰經若大痛不治若瘳
如蛛皮蚕種身熱悶亂不寧大痛大渴不止不預備
補變瘳而死止瘳藥白芍藥三錢紅花一錢七分煎
服能養血止瘳要作瀉即以白朮粉肉果木粥湯調
服以止瀉蟬退蕤藜能止瘳楊氏曰痘瘳發瘳者其
瘳色淡宜四物湯加炒芩連蟬退治之或芪歸湯亦
可氣虛發瘳其瘳伏陷飲食少進宜四君子湯加前

三味煎服，或合芪歸湯煎服亦可。氣血俱虛發瘡者，其瘡淡白，伏匿咬牙，飲食少進，宜以八珍湯加黃芪、蟬退等藥治之，爲妙。經云：血虛發瘡，氣虛咬牙，此之謂也。或蟬退煎湯淋洗。

二十七問 發瘡者何也

此瘡初發熱，止一二日，連熱便出。初生時色覺白潤，似覺好瘡，漸至八九十日，色皆乾白而空殼，至十二三而死。此不治之症，其瘡根本全屬于氣分，是產母氣血少，不能應養兒胎所致。若認得是此瘡，急補氣

血隨令服異攻散大補可救一二也

二十八問看痘有何心法也

看痘之法七日定要變或變痒塌發渴寒戰咬牙若
出色白必曾吐瀉或頭尖焦色先曾發搐或隱五六
日內口或吐血小便尿血必死痘貫水泡者內虛之
故也用異攻散治之還須以太陽額角二處爲主瘡
脚正別處不正可治若痘疔見于二處并心胸並不
治之症也各處猶可若惡寒加乾薑凡痘瘡身上瘡

蠶絲書出下外以鼻計其甘草嫩主之意思辨之

難治。若出不快，以鼠粘子、甘草節主之。有驚，用茯苓。氣不順，用木香。偏於惡熱者，用溫補藥。若紅紫色而唇燥熱者，用生地、人參治之。

二十九問 訶核者何也

訶核者，亦痘瘡之毒也。或與熱並發，發於頭頂之際，或熱隨後發于喉頷之間，湯水不得下咽，切勿以散敷之。則毒反攻于內，有一兒年方七歲，四月時令發熱，將出瘡子，在頸近喉發一大毒，湯粥難進，以膏藥貼之，立時瘡於喉，作蟻豎腫痛，水漿甚難下咽，痘疹

不起請予治之已三日矣毒氣入壯內先曾作痛一
日矣亦先吐一二次作汗二三次瘡頭平塌事急矣
用丁香木香雖時令不宜然非丁香不能攻裏散毒
非大補氣血則不發痘子不可泥以清涼咽喉之痛
腫毒也予以木香丁香各三分人參白朮黃芪各一
錢白芍藥一錢五分連翹二分射干一錢山藥五分
麥門冬白芷各三分甘草二分茯苓七分桔梗一錢
乍一占煎服反小不安良藥氣與毒氣日爭第二服

與人參當歸芍藥地黃川芎茯苓白朮黃芪

門冬、青皮、木香、桔梗、連翹、半夏、薑棗煎服。早辰至申未時，色方轉活，幸喜痘瘡踈朗，毒已反攻，早治得効。若痘瘡密，治緩多有不救。第三服畧與前方少異，連二服，至次日瘡皆紅活，有蠟色者。第四服後，重出一番贈痘，是藥催起一番痘也。其後毒散，喉不痛，瘡不痒而愈矣。

三十間發熱日數者何也

一日發熱而出，是屬腎經，先見於頰兩邊。二日發熱而出者，是屬脾經，先見於鼻尖頰下。連片稠密，三日

發熱而出者是屬肝經先見於左顴四日發熱而出者。是屬肺經先見於右顴五日發熱而出者是屬心經先見於額上眉心。金火二瘡爲上木瘡次之水瘡又次之。猶可治。至於土瘡最爲下等不須治也。若兩顴緊密亦是慢脾也。

三十一問身熱未解紅赤焦紫何也

且如痘疹發熱口渴焦赤紅紫小便不利者宜以五苓散加解毒藥治之。分理陰陽使其毒從膀胱而出。然後仍用四物湯加消毒飲煎服爲妙。

三十二問初起雜碎者何也

且如痘瘡口渴唇焦瘡色焦紫雜碎飲食少進急宜
四物湯去地黃加酒炒芩連陳皮牛蒡子荆芥甘草
等藥治之氣血虛者宜用八珍散治之

三十三問漱水不欲嚥者何也

凡如痘瘡焦紫唇燥口渴漱水不欲嚥者或口鼻血
出或小便見血此為瘀血之症急宜犀角地黃湯或
活血散加減治之服藥之後瘡起食倍進者可治如
痘不起食減者氣急痰喘唇燥不解者不治也

三十四問咳嗽痰喘兩頰不起者何也

且如痘瘡初起發熱咳嗽痰喘嘔吐兩頰下面赤如
炆者宜清肺飲一二貼以後用六君子湯加五味子
杏仁當歸芍藥治之清肺養血以和中至五六日之
後再加芪歸湯等藥審而治之自然催發或起脹若
見血中有熱或見血少微痒者宜以四物湯加參芪
酒炒苓連等藥治之如有微熱口渴小便不利者宜
以五苓散加人參甘草薄荷木通燈心煎服

三十五問有汗無汗解表者何也

且如痘瘡初熱之時，無汗者，宜百解散升麻湯微解其表，使毒氣隨汗而解，其瘡易出。如有微汗身熱者，宜五苓散加入參甘草燈心煎服，利其小便，使其熱毒從膀胱而出。經云：若不汗解，熱毒湧盛，其瘡出起，必致稠密。多見患家小兒發熱，便以甘蔗荔枝蒲萄煎湯與兒食之，隱忍日數，待其自出，反加熱悶稠密瘡紫，不救者多矣。故經云：待其日數自出之說，正是坐而受斃，豈不痛哉。

且如痘瘡初出之時身熱未除，便宜五苓散加人參、甘草、薄荷、荆芥、牛蒡煎服，自然熱邪退散，百解散亦可施治。如或失治，必致稠密，仍用大補氣血之藥治之，無不全愈矣。

三十七問身熱紅赤未解者何也

且如痘瘡紅赤，身熱未解者，急用助血和中消毒等藥，服三四貼以解之。不然則稠密身熱，疼痛不除，宜以四物湯加消毒飲治之。

三十八問身熱大渴焦紫者何也

且如痘瘡焦紫身熱大盛口渴者宜人參白虎湯加
芍歸芍藥煎服。譫語煩燥不寧引飲無度熱盛瘡紫
者宜當歸散四順飲四物湯合承氣湯治之兼紫草
其飲亦可。

三十九問口渴咬牙大便黃稠者何也

且如痘瘡

氣虛

咬牙大便黃稠口渴身有微熱者宜四

君子湯加苓連等藥治之血虛者四物湯加酒炒苓
連亦可。

四十問煩燥熱悶不起者何也

且如痘瘡紫而不起，口渴煩燥熱悶，此毒氣在內，不得發泄之故，宜服紫金丹解毒。後宜審症下藥。血虛有毒，宜四物湯加酒炒芩連。氣虛熱者有毒，宜四君子湯加酒炒芩連治之。氣血俱虛有毒，宜八珍散加芩連治之。或紫草茸飲亦可。若見稠密太盛，宜以煎藥中加消毒飲治之，亦妙。

四十一問紫而伏陷兩目不明者何也

且如痘瘡紫而伏陷，兩目不明，若不早治，目枯上膜，必致損矣。凡爲此症，急宜四物湯加參芪芩連等藥。

治之兼服紫金丹，乃是毒氣入于肝經，故宜早治。

四十二問身痛發熱嘔吐者何也

小兒頭痛發熱，身痛六脈浮緊，無汗者，宜百解散十
神湯正氣散，加減施治。有汗者，人參羌活散，或柴胡
桂枝湯，或白朮散，加羌活川芎白芷等藥，審而用之。
口渴熱盛，大便不通，譫語者，宜大柴胡湯，或當歸散
亦可施治。兼用紫金丹散為妙。凡見此症，皆因外感
風寒，故有此頭痛身熱，煩悶嘔吐之症。服藥之後，病
減瘡起，方可隨症輕重用藥，大補氣血，自然安矣。若

瘡不起，飲食不進，瘡色乾枯，人事昏沉，手足厥冷者，不治也。

四十三問痘瘡有痰者何也

且如痘瘡血虛有痰，宜四物湯爲主，加二陳湯治之。氣虛有痰，用四君子湯爲主，加二陳湯治之。氣血俱虛有痰者，宜八珍散爲主，加二陳湯爲治。

四十四問不能飲食身熱口渴者何也

且如痘瘡五六日之間，不能飲食，身熱口渴，小便不利者，此謂胃虛，食少有熱，宜去桂五苓散，加人參甘

草麥門冬、天花粉、有食加陳皮、厚朴、麥芽、山查等藥
治之。切不可與重劑。熱盛大便不通，宜當歸散加減
治之。

四十五問 焦紫細小者何也

且如痘瘡出起，焦紫細小，根腳淡白而不紅活者，此
痘皆因發熱日數太多，煎其血乾，無由生氣，不能發
漿，必致危矣。若是發熱日數雖多，其瘡根腳紅活，飲
食得進，人事清爽，總有外症，裏症全無，亦可施治。用

四物湯、芪歸湯治之。

四十六問金白色如豆殼者何也

且如痘瘡出起金白色如豆殼樣者皆因初熱之時飲水之過或吃生冷之物以致如此如咳嗽而發熱者宜清肺飲治之如有泄瀉者宜五苓散倍加人參甘草治之若見十餘日已上者宜升麻葛根湯加黃芩煎服若瀉而渴者宜四子湯加猪苓澤瀉木通燈心煎服若見痒擦咬牙灰白之色一似豆殼口渴痰喘飲食不進人事昏沉者不可用藥也

四十七問頭面焦紫口邊淡白者何也

且如痘瘡出、頭面焦紫、口邊淡白、陷伏不起、嘔吐泄瀉、唇白面青、氣促不安、手足微冷、飲食不進、人事昏沉者、不治。若是人事清寧、飲食得進、可治。此症皆因初起帶熱、胃口有寒、表裏皆虛之故。以此不能起發、先宜加味理中湯補其脾胃、後宜疏通表裏、然後宜六君子湯、芪歸湯、芍藥湯治之。

四十八問退熱不効者何也

且如痘瘡有熱、用退熱之藥而不効者、此症必是陰虛發熱、亦無實熱之症。正治反治、則可見矣。又有解

之後熱退而復熱者此爲表裏俱虛陽浮于外陰伏于內所以發熱也宜用平和之藥和其表裏其熱自退矣宜白朮散去木香加白扁豆水薑煎服自然得効亦有陰虛血少夜間發熱天明復涼者宜四物湯加煨薑煎服若有微熱作渴小便不利者宜五苓散加人參甘草薄荷燈心麥門冬木通煎服利其小便其熱自退矣若有大熱身面通紅者而有小便赤澀口中作渴宜導赤散治之

四十九問醫者往往不肯退熱者何也

且如身熱大盛、口渴、或有驚搐、身熱者、或有渴瀉、瘡
紫身熱者、或口中出血者、或有二三日間一齊湧出
者、或有狂燥譫語者、或有身熱喘滿不寧者、今見醫
者往往不肯退熱、反言與退熱之藥、其瘡不能發、灌
漿、須用溫熱之藥施之、以助其胃氣、病家聽其言而
用前藥治之、反加熱悶、焦紫、乾枯、痒擦而死者、或加
熱渴轉盛、瀉利、腹癰、飲食不進、變症不一而死者、或
見咳嗽喘渴、燥悶不寧、身熱反盛者、反見身熱口臭、
瘡爛成坑者而死、爲醫者不審內經之言、諸痛痒瘡、

皆屬心火熱極而無血液所養則肉色乾枯焦紫黑
陷死者多矣此則水衰火旺豈可以溫熱之藥治之
經云沸湯點水不若抽薪凡見此症急宜滋陰而降
火養血清肌甘平之藥治之若不審陰陽標本虛實
寒熱妄投湯藥虛虛實實之理不明辛熱香燥之味
雜施悞人性命豈細故哉醫者慎之戒之

五十問瘡出稠密能食瀉下如水者何也

且如痘瘡出起焦紫身熱其瘡稠密飲食倍進大便
瀉下如水口渴者宜當歸散加陳皮枳梗水煎服或

加酒炒苓連治之。或五苓散加木通麥門冬人參燈
心煎服。

五十一問痘瘡被觸

且如痘瘡出起或被一應穢污之氣觸之。如一時伏
陷色變者。宜以中和湯倍加沉香藿香乳香白芷等
藥治之。若見裏虛者。加參朮芪歸煎服。若有裏實者。
或口渴身熱發痒者。宜以少加香燥之劑。白芷藿香
紫蘇之類。若見表實身熱。宜升麻湯白芷藿香等藥
施治。血虛發痒者。芪歸湯加白芷藿香煎服。審而治

之若誤用香燥熱藥反加痰喘痒擦而死宜仔細不可托火

五十二問審看額額吐瀉

凡如瘧瘧兩頰瘰作額上細小陷伏者必經吐來熱吐宜五苓散定吐飲之類冷吐宜理中湯正氣散治之胃虛吐者宜六君子湯治之若見額上瘰作兩頰細小者必經瀉來冷瀉宜理中湯加訶子肉果治之或理中湯加陳皮半夏肉果之類瀉甚者宜黑龍丸治之胃虛瀉者宜四君子湯加減治之或白朮散加

訶子等藥宜加詳審分別施治

五十三問外紅內紫者何也

且如外紅內紫者內有寒也宜以木香散少加丁香官桂紫而淡白色而淡白無他事者此是血虛之故宜以四物湯加人參黃芪甘草等藥治之紫而淡白未起發乃是氣血俱虛之故宜八珍散加黃芪治兼有寒者加乾薑

五十四問黃下臭滯或有鮮血者何也

且如瘧瘡身熱焦黑黃下臭滯或兼鮮血宜四物湯

加酒蒸大黃煎服或當歸散加醋炒栝葉或四物湯
加升麻酒炒黃芩黃連

五十五問一似粟米黍米之樣者何也

且如痘瘡出起一似粟黍米之狀或如菜豆明淨根
脚紅活癩作身有微熱飲食如舊者不須服藥若見
暗慘者不光澤明淨飲食少者又兼吐瀉者不治

五十六問硃砂之色漂之樣者何也

且如痘瘡一似硃砂之色紫漂樣者必致心膈頭面
稠密細小此乃肺實血熱之故宜用四物湯加酒炒

苓連牛蒡荆芥甘草煎治兼有嗽者宜清嗽飲加消
毒飲如有嘔吐者宜六君子湯加五味杏仁苓連治
之服藥之後其瘡轉透明淨飲食得進者可治若服
藥之後瘡色不轉人事昏沉不治。

五十七問一似赤遊風成片紫色者何也

且如痘瘡一似赤遊風成片紫色急宜四物湯加苓
連消毒飲煎服如見紫色退去痘起食進者生若兼
咳嗽痰喘其色不退飲食不進痘不起發者不治或
如紫膠魚枯紫色熱甚口渴狂燥不寧飲食不進不

治。或如花椒皮樣。或如茱萸之色。大便大實者。不治。
凡療此症。須用細細審看。痘瘡根腳紅活。飲食得進。
人事清寧。大小便勻。皆可治之。詳看症內外虛實。方
可用藥詳治。

五十八問一似白膘水珠者何也

且如一似白膘水珠之色。根腳而不紅活者。不治。若
見頭面身上一似水珠之色。若有一二三四個瘡。有
根腳紅活。燥作者。宜和中湯加減治之。通其表裏。待
瘡起發。及用大助氣血。自然有救矣。

五十九問脹滿疼痛者何也

且如痘瘡五六十日之間其瘡起發脹滿疼痛手不可近飲食如故者不致痒塌宜以五苓散加木通酒炒苓連等藥詳審內外以通心氣自然平復若大小便勻者不必服藥

六十問下部起遲漿來不足者何也

手屬少陰心太陰肺足屬厥陰肝太陰脾此乃血氣不足不能周流至手及足巢氏曰下部起遲漿來不足者皆因元氣不足之故因是初起發熱之時或有

吐瀉故見漿薄而不足起遲者急宜四君子湯加芪
歸紅米等藥治之或加杜仲牛膝爲妙若兼噎者宜
六君子湯加五味陳皮菴歸等藥

六十一問膿散成餅者何也

且如痘瘡七八日後膿散成餅者此乃血中有熱肌
表不清之故宜四物湯加苓連治之若有微熱者此
乃表中有熱宜加柴胡葛根等藥治之

六十二問一似天泡瘡者何也

且如痘瘡將發之際一個個似天泡瘡遍身皮塌肉

色紅潤飲食如故大小便勻人事清寧雖有身熱口渴或有咳嗽此是表中有熱肺火不解之故宜以解肌清肺之藥施治宜四物湯加升麻葛根甘草五味杏仁芩連治之大便不實者去芩連等藥或清肺飲加當歸煎服若見裏虛大便不實者去枳殼加白朮茯苓等藥治之若見此症皮破乾枯失音痒擦咬牙寒戰飲食不進大便泄瀉痰喘痒塌者不治

六十三問紫泡疔者何也

且如痘瘡起紫泡疔者急宜四聖散點之若失治療

瘡陷咬牙寒戰口噤不開飲食不進者不復救矣總
有得生經月不瘥卽成疔蝕瘡症仍用四聖散百花
散敷之立効仔細治之若失療治經年不愈有之矣
六十四問潰爛成坑者何也

且如痘瘡愈後頭面手足之上或有潰爛成坑者此
名瘡蝕瘡也宜用百花散敷之或四聖散亦可若致
稍遲必成破傷風症不救矣有之乃是因有破處入
於風邪之故也

六十五問觸分內外者何也

且如痘瘡一出之時，如被觸者，其瘡一時色變，咬牙寒戰，色變，咬牙，痒擦不定，宜審內外所觸之色，治之。如被外人所觸，頭面之上先見色變，或因親母或伏侍之人，經水所觸者，下部先見色變。若被一切穢氣所觸者，遍身皆見色變，切宜細細審察病情，不可造次。若見表裏俱虛，飲食少進，脚淺薄，不復救矣。大凡元氣壯實，飲食倍進，脚根紅活，雖被觸亦無大害。總有變症，亦不可疑，宜以中和湯施治，自然作効。如失治療，血凝氣滯，少食治之，遲矣。

六十六問心煩不得眠者何也

且如痘瘡愈後心煩不得眠者此症皆因血少虛火上攻以致虛煩不得眠宜用溫胆湯加人參酸棗仁遠志菖蒲等藥煎服再加辰砂調勻亦可或酸棗仁湯亦可凡小兒正出之時必令導引心火自然獲安不然毒氣出之不盡致生須燥先令五苓散加水通燈草煎服以通心氣經云小腸流利其熱自清

六十七問貫黑血泡者何也

論灌黑血其症出于脾肺二經熱毒之所致也破血

涼血生血以散毒等藥若失調治死在旦夕楊氏曰
脾肺二經熱毒上攻皮毛以致皆貫黑血加茅花丹
皮犀角苓連柴胡之類三服之後黑血化爲黃膿矣
六十八問灌紫血泡者何也

論此灌紫血泡者肺火之所致者夫皮毛者肺之合
也熱毒合于肺經傳于皮膚以致發泡豈不熱也宜
清肺飲加當歸生苓連丹皮茅花治之

六十九問起白泡者何也

論起白泡世言渣漿泡者是也此乃肺熱之故白者

肺金之屬西方金之色也人之不知醫者辨乎不治
治療舉家傍惶一時泡破小出肉露乾枯死者多矣
初見之時急以銀簪撥破仍用清肺飲治之或
葛根湯加炒芩連亦可若見裏虛者宜升均湯或清
肺飲加人參白朮茯苓去枳殼煎服

七十問痘疹紫黑色者何也

論紫黑色者乃是紅黑相兼而作也紅者南方丙丁
心火之色也黑者北方壬癸腎水之色也此乃水火
相刑之故宜調和陰陽之氣使強者不獨強弱者

弱宜朱氏八珍湯治之。紫而又赤者爲熱也。紫而黑者熱之甚也。此火勝煎其血乾而得熱則紫熱甚則血死而不流利也。可服八珍散加炒芩連治之。自然平復。

七十一問紫粉色者何也。

紫而粉白者此乃是經穢血之所觸也。紫而雲頭樣者糞氣所觸也。並宜和中湯與之消解其毒也。

七十二問灌水者何也。

此瘡屬腎乃灌水之前論備矣。亦有感于寒亦有傷

於水亦有冒於風血氣不足皆致灌水而不灌膿宜
用十全大補湯補其血氣不足斯爲美矣不然必致
悞也

七十三問白色者何也

痘已發綻頭若平塌而俱白色十分之內有一分紅
滿此亦血虛之候急服補藥以回其紅實脾土以去
其白方有可生之理蓋肺爲西方之金白爲庚位之
氣補肺金之母則北方之化源得有所滋而母能令
子實引而相生以致肝木之實而色必紅矣

七十四問黑色者何也

痘出于溫和之月時而黑者乃是屬腎氣虛寒若太陽寒水同司天令氣其色黑慘者無事經五六日而面上各有一搭黑色者或灰色者後雖起至九日而死其瘡亦屬本也

七十五問紫而青慘色者何也

紫而青慘之色寒凜凜然者乃是肺邪相干之過宜用中和湯去諸香煎服或正氣散治之亦可

七十六問紫赤色者何也

紫而赤色此爲熱之深也。紫而黑色者熱之太盛煎其血乾之故。以致如此。經云血得熱而紫。熱盛則血死也。唇口焦燥而無瘀血者宜以導赤散利其小便。使熱從膀胱而出。若見血中熱盛者宜四物湯加炒芩或柴胡腹皮加減治之。或紫草散猪尾膏等藥治之。有瘀血者宜犀角地黃湯活血散等藥審而治之。卽安。

七十七問過頭紅者何也

且中出起癩作一似鸚鵡紅之色過頭紅者或有成

片紅者。若見飲食不進。嘔吐泄瀉。十無一生。不可用藥。切宜仔細。若見瘰作明淨。飲食得進。人事清寧。宜四物湯加酒炒芩連黃芩陳皮甘草。滋陰降火養血。和中自然安矣。

七十八問痘瘡忌用火逼者何也

且如痘瘡出遲者。皆因血氣不足。元氣虛弱而不起者。或因鬱而不起者。或因泄瀉胃氣虛弱而不起者。宜以滋陰養血清肌解表之劑。開發腠理。自然發起。多見庸醫不審虛實冷熱。一槩閉戶。身着重服。或以

綿衣蓋護以火逼之與今一往往熱渴口渴喘急
狂燥痰盛乾枯痒擦死者一醫者不審經言諸痛
痒瘡皆屬心火豈爲寒哉。惡寒者乃是肌表之寒非
爲真寒凡用火逼之法偶中一二有不中八九豈不
痛哉切宜戒之凡遇痘疹之疾止宜忌避風邪房室
溫和一應臭穢之氣生人一子經行婦人狐臭之土
用藥察症自然安矣

七十九問口鼻出血者何也

論此一鼻出血者或有一疹方出身熱大盛口鼻出

血者...不同此因熱邪傳於心肺上冲咽喉以致

從口鼻而出急宜犀角地黄湯

湯之涼血地黃湯若見痰喘咳嗽

肺...物湯倍用酒炒芩連煎服

得進者生若見人事昏沉

八日間大便下血者何也

此大便下血初起皆因腰腹疼痛身發熱

下血者或五七日間何以治之此因熱傳乎

經流入大腸却與原受積熱相併以致下血凡爲痘疹之疾皆以血氣爲主而發出之今因大便去血以泄其氣胃氣被傷痘疹不能起發若見人事清爽飲食得進急宜四物湯加酒炒芩連升麻煎服熱盛去血太多宜加酒蒸大黃爲妙或當歸散涼血地黃湯審而用之服藥之後痘疹出起根窠紅活飲食倍進者生服藥之後人事昏沉飲食不進乾枯暗慘不復救矣

八十一問朝夕啼哭者何也

論此朝夕啼哭者，蓋五臟有疾，則情性不樂。若是五臟和，則精神清爽。痘疹者，五臟蘊毒所作，臟腑不和，以致朝夕啼哭，宜加詳審。毒氣在表在裏，或虛或實，隨症用藥，使其氣血流通，精神清爽，自然寧靜。或有心熱啼哭者，或有腹痛啼哭者，或有驚狂啼哭者，當審病源治之，不可妄投藥餌，致令冷熱偏勝，反增他症。爲害不淺。若因熱者，宜用五苓散，加人參、甘草、薄荷、燈心、木通煎服。或導赤散、安神丸、抱龍丸等藥治之。驚狂者，與心熱同治。因于傷食者，宜消食香砂丸。

化滯丸等藥腹痛者於腹痛論中詳治可也

八十二問下痢腹痛者何也

且如瘧瘡八九日之間或十餘日後下痢腹痛者或有初起一向下痢者有赤有白有赤白相兼有口渴身熱有腹痛裏急飲食少進此因內毒不解傳於脾肺以致滯下或因飲食所傷者有之但見人事清寧飲食得進瘡色紅活者可活人事昏沉飲食不進瘡色乾枯者不治凡見前症宜四君子湯加當歸芍藥苓連檳榔木香等藥若有熱甚口渴裏急腹痛宜四

物湯加煨大黃芩連木香檳榔等藥治之或當歸散
加減治之若因飲食而下痢者宜安神散加神麩麥
芽青皮砂仁糖毬檳榔芩連等藥審症加減治之不
可造次又有一向發熱不解湯水過多脾胃受濕致
下痢腹痛口渴裏急其瘡臭爛飲食得進人事清者
生也

八十三問下痢分別用藥者何也

且如下痢有熱有冷有積有血又有夾熱而下痢者
又有噤口痢者又有風痢者有滑腹痢者種種不同

豈可一槩施治若不審冷熱虛實但見下痢卽用陳
氏木香散豈薏菴丸辛熱之藥治療誤者多矣此爲閉
門趕賊豈不反害人乎凡爲醫者須審天地陰陽寒
熱虛實下藥何有不全生命乎今開前八痢治法用
藥詳明使後學者了然明白

八十四問瀉痢用藥有效無效何也

且如瀉痢用藥有冷瀉熱瀉食瀉積瀉水瀉胃瀉寒
瀉各種不同須明寒熱虛實用藥施治不可止用一
方而治諸症如冷瀉者多下白沫瀉密而便青白腹

痛神昏其瘡灰白伏陷面帶清白四肢厥冷飲食少
進急宜木香散異攻散理中湯白朮散加乾薑治之
或荳蔻丸黑龍丸等藥爲妙熱瀉者其瘡焦紫口渴
熱甚乳食吃籠大便焦黃小便赤少宜用五苓散加
燈心木通酒炒苓連煎服分理陰陽自然効矣或導
赤散亦可治之夏月之間如遇此症以香薷五苓散
六和湯黃連香薷飲治之若見患者熱盛狂燥不寧
飲食無度瀉下水者宜五苓散加黃連解毒湯治之
不止急用當歸散加黃連煎服以生津液其瀉立止

不可不知也。且傷食瀉者，糞下酸臭，口噯醜酸之氣，身熱口渴，飲食少進，時或肚痛急，宜平胃散加青皮、神麩、麥芽、砂仁、肉果、蓬朮、三稜、山楂等藥治之。或六君子湯加砂仁、益智、山楂、麥芽、青皮等藥調治，兼服香橘餅子亦可。或人參養胃湯加神麩、麥芽、青皮之類。若見狂燥煩渴者，用麥門冬湯加青皮、神麩、麥芽、生地、黃芩、連等藥治之。

八十五問有應利而不應利者何也

論張氏之書言小兒但覺心熱，便宜踈解。若見痘瘡

一出卽當解利、分立兩說、遂使後人多生疑惑、難以
用藥、吾今詳其言、論之明矣、踈解者、踈解肌、解表之
熱、使毒氣得泄、其瘡易出、解利者、解利臟腑積熱、使
從膀胱而出、可無狂燥之症、凡治須當詳審虛實、寒
熱、劉茂先生曰、凡小兒所出痘瘡、首尾俱不可下、若
妄下之、裏氣一虛、邪毒內陷、何由得出、必致傳變、陷
伏、以爲大害、今人不詳虛實、止用升麻葛根湯、以爲
發痘之的藥、若是小兒氣盛表實者、服之、其効如神、
若是表虛自汗者、服之、其禍非輕、又見忌下之說、但

見痘瘡出起，便以木香散治之。裏虛氣弱者，治之應手而効。若是裏實氣盛者，服之禍非淺矣。凡爲醫者，不可一途而取，當擇其善者從之，不善者改之，審明虛實而治。小兒若是壯實氣盛，口渴大便不通，小便赤少，狂言妄語，瘡色焦紫者，可以四順散洗心散當歸散大柴胡湯承氣湯紫草飲消毒飲牛蒡湯拔毒散解毒湯等藥詳而用之。又有身熱小便不通，驚悸煩渴者，以五苓散導赤散木通飲等藥皆可治之。若見小兒虛弱，嘔吐泄瀉，飲食少進，手足厥冷，小便清

白口中不渴、舌上無胎、瘡色淡白、宜木香散、異攻散、
理中湯、白朮散、正氣散、荳蔻丸等藥治之。又有氣弱、
血虛者、當在血氣論中詳治。凡爲醫者、須切詳審內、
外病症輕重、用藥施治、庶不致悞。

八十六問痘瘡不透、狂燥者何也

且如痘瘡不透、心煩、狂燥、氣喘、如見鬼神、大小便秘、
渴欲飲水、亦能飲食者、此爲實熱之症、乃是心火炎、
盛、其瘡焦紫、不能起發者、宜以四物湯加芩黃治之、
宜當歸散、四順散、飲等藥治之、服藥之後、其瘡不減、

瘡色不轉者難治也

八十七問泄瀉黑陷者何也

且如瘡色黑陷者乃是瀉利內虛之故若見根窠紅活人事清爽飲食得進者可治人事昏沉飲食不進不治又有一等感冒風寒而變壞者因飲食失飢傷飽或失取於下以致荏苒日久胃氣虛損而變壞或因寒涼之藥反傷胃氣凝滯氣血而變壞致使黑陷耳尻反熱變壞歸腎乾枯痒擦寒戰咬牙泄瀉聲啞飲食不進者不治若得人事清寧其瘡青紫飲食得

進使利調勻者可治宜以一七金散芪歸湯等藥詳
治盛熱清便自調百祥丸猪尾膏審而用之

八十八問黑陷有四症者何也

黑陷有四種用藥不同一者感冒風寒宜以溫散寒
邪之藥二者熱毒太盛宜以解熱毒之藥導引心火
自然安矣三者內寒裏虛宜以溫補之藥四者裏實
而不大便身熱燥悶反能飲食宜以通利解毒之藥
必然安矣大抵乾枯黑陷失音寒戰咬牙瀉利不食
者不治若得便利調勻飲食得進手足溫暖人事清

寧根脚紅活可治

八十九問愈後解利熱毒者何也

且如痘瘡愈後須用解利毒熱宜審虛實不可一槩
施治若是氣虛胃弱飲食少進宜用六君子湯加厚
朴砂仁神麩麥芽治之若見嘔吐大便不通不食宜
用人參養胃湯加神麩麥芽青皮等藥而治若是胃
實大便不通小便赤澁口渴身熱飲食減少宜四順
飲治之或洗心散或當歸散若有寒熱往來口苦舌
乾小便赤澁或兼嘔吐者宜小柴胡湯治之若見小

便赤澁不勻、口乾、別無他症、宜五苓散導赤散或麥
門冬湯亦可、咽喉痛者、宜甘桔湯鼠粘子湯牛蒡湯
消毒飲等藥、咳嗽者、宜審虛實施治、實嗽者、宜清肺
飲瀉肺湯治之、虛嗽者、補肺湯六君子湯、若寒嗽者、
理中湯加杏仁五味等藥而治、口有臭爛生瘡者、宜
甘露飲麥門冬湯治之、大便不通、小便赤澁而下血
者、宜以四物湯加升麻黃連治之、或當歸散加醋炒
栝葉煎服、或三黃熟艾湯犀角地黃湯等藥治之、若
見煩燥啼哭不眠、宜以溫胆湯酸棗仁湯兼服

丸爲上

九十問痘癰輕重者何也

且如痘瘡之痘而生癰腫者皆因毒太盛也失於解利以致臟腑熱毒氣滯流入經絡而生癰腫輕則易治重則難痊或有先發癰腫後發痘者或愈後而發癰腫者或有悞服熱藥而發癰腫者此症種種不同或有吐瀉發熱或有大便不通或有增寒壯熱或生于手足頸項胸背之間手足平塌不起肉色一般而不紅活者或有紅腫發熱者宜加詳審治凡增寒壯

熱之症先宜敗毒散加消毒飲治之後宜托裏散若
見肉色一般增寒壯熱嘔吐者先宜藿香散托裏散
十宣散內托散等藥治之若有嘔吐瀉者宜理中湯
加白朮茯苓陳皮半夏訶子等藥而治不可拔毒造
次一槩而治宣瀉致傷真氣爲害也

九十一問痘疹共出者何也

且如痘疹共出者皆因外感疫毒之氣傳心肺二經
之間而有熱故痘疹共出若見此痘却有輕重之別
輕者身熱咳嗽便利自調飲食如故痘瘡四散明淨

紅活背胸頭面稀疏內夾疹子宜以清肺飲加牛蒡
子治之熱盛者加酒炒芩連一二帖候疹子退去仍
用助氣血之藥審而治之重者痘疹共出心胸頭面
焦紫稠密飲食少進咳嗽痰喘身熱者宜清肺飲加
炒芩連牛蒡等藥治之若有吐瀉宜用六君子湯合
清肺飲治之若服藥之後嗽減瀉止飲食得進疹消
痘起者生若是其症不減人事昏沉飲食不進反加
熱盛焦紫者不治若見先疹後痘者名曰疹蓋痘必
致難治先痘後疹者名曰痘蓋疹此瘡可療不可不

知也

九十二問斑痘共出者何也

且如斑痘共出者此乃脾肺二經風熱大盛以致遍身一似雲頭之狀及手足身上皆有痘瘡若見根脚紅活四散出起明淨飲食得進便利調勻者可治宜四物湯加酒炒芩連牛蒡荆芥甘草連翹等藥施治若大便不通狂言妄語身體熱盛煩燥口渴宜柴歸散加芩連消毒飲治之或承氣湯加芩連當歸等藥若見斑與痘共出焦紫黑色飲食不進大便泄瀉手

足厥冷人事昏沉燥渴不定者不治

九十三問自言目有烟煤之狀者何也

且如痘瘡之人自言目有烟煤之狀者此因肺火不解之故何以知之肺者諸臟之華蓋居于上膈目中白珠屬肺金又被心火炎上肺心二火相攻故使目中一似烟燼之狀宜以牛蒡湯等藥治之當歸拔其熱毒使金清而木平滋陰降火此為良法也若失治療終為癩疾之人

九十四問痘疹咽痛者何也

三
字
恐
有
誤

且如痘瘡或疹一時咽痛者乃胃火上侵咽喉之間故作疼痛凡看小兒痘疹之症但見唇口四邊瘡出稠密唇腫者此症咽痛宜用芩連甘桔湯消毒飲之治若飲食不進聲啞者不治

九十五問痘疹滿口生瘡者何也

且如痘疹二症滿口生瘡唇口破裂面赤如裝此因陽邪上升口齒而生瘡乃醫以爲熱多却用寒涼之劑反見飲食不進大便泄瀉又云吾用苦寒之藥治療尚然口渴不除其熱不退吾無悞也病家又云裏

熱必然大盛，非汝之悞，子之天命而已。兩無追悔，豈不可痛惜哉！經云：不審虛實，一槩施治，反傷胃氣，飲食不進，又兼泄瀉，內亡津液，虛火上升，口齒以致瘡爛，口渴急宜溫脾養胃，以瀉心火，自然平復。若致稍遲，治不能救矣。急宜六君子湯加酒炒芩連補脾瀉火，兼服甘露飲子，去枳殼加參苓煎服，仍用敷擦之藥，自然取效。

九十六問痘瘡咽痛悞用攪點者何也

有此咽痛，乳食不進，身熱咳嗽，肚腹疼痛，大便泄瀉。

或不渴者。此症皆因脾肺二經之火。上冲咽喉之間。故作痛。飲食不進。急宜清肺飲。倍用桔梗甘草加酒炒。芩連牛蒡煎服。以解其火。自然安矣。切不可用針點及攪口之藥。犯傷咽喉之間。及不可吹藥下痰。反傷其氣。致使飲食不便。腹痛轉盛。死者多矣。又見一時悞用針刀開點咽喉之間。經年膿血不止者。有之。又見婦人懷孕得此者。切宜仔細用藥調理。安胎降火。清肺之藥。施治自然安全。切不可用刀針點攪下痰之藥。傷動胎氣。礪麝片腦之劑。損胎壞孕。則難治。

療母子不全矣。

九十七問疹子出起隨即收去何也

發熱三四日之間疹子出起隨即收去肉內暗慄身熱痰喘咳嗽氣促口內有瘡唇腫鼻爛咽喉不利飲食減少急宜降火化痰定喘等藥治之宜以清肺飲加枳殼茯苓訶子煎服藥服之後飲食倍進熱退聲出人事清爽者生若服藥之後其症不減轉重不救矣。

九十八問疹子出起一似墨點之狀者何也

且如身熱大盛，口渴喘嗽，身出疹子，一似墨點黑色，大小不一。若人事清爽，飲食得進，大便秘結者，急宜降火清痰，清肺，疎通表裏，涼解血熱，自然獲安。宜清肺飲，加芩、連、當歸、生地、黃等藥，或四物湯加解毒涼藥治之。若人事昏沉，痰喘氣急，飲食不進，大便泄瀉，肉色慘暗，不復救矣。

九十九問：悞投寒藥，反傷胃氣者，何也？

且如痘疹共出，咳嗽身熱，遍身痒癢不定，一似溫毒發斑，形如錦紋相似，四圍肉上，亦有細細尖頭魚子。

樣者名曰斑疹共出今見醫者不審其症一槩止以
熱毒發斑多用苦寒之藥妄治凝滯血氣反傷胃氣
卽成嘔吐飲食少進又見痒擦不定仍以熱湯淋洗
反添熱盛斑症不能解散二毒相攻日夜不能寧此
等之症急以清肺飲加牛蒡芩連蟬退防風清肌退
熱自然安矣若見血虛發熱發痒者宜清肺飲加芪
歸芩連蟬退煎不可造次下藥宜加詳審而施治可
也

百問用熱

藥太

過而下痢者何也

且如有用熱藥而下痢者服藥之後飲食不進而下痢者其瘡以致焦紫不起及見平塌飲食不進口渴無度此皆熱藥之過若見人事清爽痘瘡稀疎根脚紅活飲食倍進可治急宜當歸散加陳皮芩連治之以解熱毒之氣若見裏急腹痛者急投化滯散等藥服後瘡起痢減痛除飲食得進者生仍用白朮芪歸湯五苓散審其輕重用藥調理若是服藥之後其瘡不起裏症不除人事昏沉者不治

且如痘瘡忌食葷腥者乃世俗之言非爲大法且如
天以五氣而生萬物人以五味而養五臟痘瘡皆因
臟腑蘊積臟毒之氣而成此症又感時氣而發榮衛
受傷脾胃虛損必得五味葷腥飲食以爲滋味使其
氣血和暢痘瘡自然出快但須忌發風動氣生冷麵
食西瓜海味魚鮮醃鮓醃猪甘甜辛辣之物切宜禁
戒凡爲痘疹之症一身精血皆形于外熱作腹痛啼
聲不已耗散真氣表裏俱虛餘毒未盡切宜仔細用
藥調治凡爲此症皆與產婦調養相似不可妄治宜

審知之。

百二問忌食粥者何也

痘瘡忌食粥者，乃世俗之論，恐使患者瘡爛如粥，故忌之。若依此論，反加沉重，莫救者有之。凡有此瘡，毒氣自內達表，胃中熱毒上蒸，口齒滿口有瘡，糜爛不能進飲食，惟粥或能強食，與粥食則胃得穀氣而生，若不與粥食，脾土一虛，無由生氣，其瘡必致陷伏不起。故經云：得穀氣則生，絕穀氣則亡。深爲痛惜。終始與粥食者，得全活矣。蓋粥以米爲之，有何毒乎，不可

信俗論而悞大事

百三問渴症者何也

渴者內有煩熱津液枯竭而作裏虛火盛亦渴也用
人參三錢麥門冬三錢五分並服之一方人參茯苓
白根五味

百四問實渴者何也

其瘡掉點圓紅如帶水珠之狀頻要水啣無厭氣血
鮮紅潤澤以前四味治之神効用人參白朮乾葛五
味如腹脹瀉渴者及手足冷者宜十一味木香散治

之無不應驗。前四味內用茯苓此用白朮恐悞且云實渴而專用此四味疑亦有誤

百五問虛渴者何也

其瘡發渴始初便渴或魚口弄舌或啞唇或唇燥裂或並出血其額上雖無瘡此症實是慢脾從起至後口渴不休畧加止渴之藥其渴隨止每帖藥內若下涼藥遂便使渴矣。此條亦疑有字誤

百六問虛紅者何也

凡瘡初出之間曾紅發熱發搖至三四日必要過頭一紅人之稟氣寡薄者亦發虛紅其瘡必帶鬱冒死

色而不鮮紅、瘡俱陷頂而不圓滿、亦有不陷者、暴虛之症、假如認得真、只以溫補之藥、其紅自退、若寒加乾薑、氣不順、加木香、隨時隨症加減、胡氏云、凡吐瀉後、第三四日者、要過頭紅者、乃虛火而紅、非實紅也、切勿下芩連、皆因先前吐瀉得虛、元氣不實、其瘡雖紅、必瑣碎平塌不起、發宜異攻散、加丁香、官桂施治、

百七問實紅者何也

瘡出掉點、或三四日先、前無他症、過頭紅者、乃爲實也、其瘡凸、必圓穩滑澤、而無死滯之氣、亦有脚紅而

瘧疾百問秘本
頂不紅者、可以涼藥瀉其火邪、二紅虛實、定用審的、
慎勿妄用藥餌、以致殺人紅、加紅花鮮紅、少用芩連、
爲使、

百八問透頂紅者何也

其瘡先於兩顴出者爲標、連日有熱亦帶渴、畧痒用
藥必須以人參白朮黃芪各三錢、當歸四錢、陳皮生
甘草各四錢、白茯苓生地黃各一錢五分、肉果一個、
川芎二錢、熱甚者、赤芍藥四錢、紅花二錢、煎服、

百九問熱病者何也

且如熱者必由中而發外若見兩目紅透乃爲真火
舌上俱黃真爲實熱看此一處酌量謹慎宜用平和
之劑甚爲穩當不可忽也用四物湯加前胡麥門冬
湯加五味當歸甘草芍藥之類或一二日連日熱便
出皮裏胸前脇邊皆有黑點者上氣喘急至六日者
不生矣

百十問陷頂者何也

瘡未出與未發熱之先曾冒風邪或誤入水或經風
雨或嘔吐泄瀉皆致陷頂之症或初出之時圓綻如

珠者至三四日後，鬱而不發，不傷于飲食，必觸穢氣，與月經狐臭犯之也。

百十一問爛瘡者何也

夫瘡者起綻之時，膿水淋漓，乃氣虛血虛，以致不生肌肉，用四物湯加人參、白朮、陳皮、甘草、五味之類，胃壯者，天門冬、胃弱，麥門冬，就結而乾，亦得敗草散敷之爲妙。

百十二問氣虛者何也

大肺者，氣之主也，肺虛則氣虛也，氣虛咬牙，咳嗽而

無痰結其聲蹇澁經云肺虛則語聲不全左腮臉有肥黑色黑者北方壬癸水也腎之色也水者金之子也所謂子能令母虛於此可知矣宜四君子湯或曾氏補肺散聲音不出者用二聖散

百十三問氣實者何也

夫肺實者咳嗽有痰嗽聲不斷有熱而氣促喘悶痰塞右臉微有黃色中映戊己土脾之色也土者金之母所謂母能令子實於此可見矣用曾氏補肺飲服之爲妙瀉肺湯亦可

重方二
子疑有

百十四問氣寒者何也

肺氣寒者、鼻流清涕、咳嗽無痰、身起寒慄、左臉微有青色、東方甲乙木之色也、木乃西方金之妻、因虛乘夫位、其重力應于風寒也、明矣、宜木香散、內有丁香、官桂、可治風肺之寒、或局方理中湯加杏仁、五味、乾薑爲用、可救子益母之法也、

百十五問氣熱者何也

夫肺熱者、鼻中燥熱、皮毛枯乾、咯痰有血、瘡色焦燥、左臉微有赤色、赤者南方丙丁火之正色、火者金之

制也。火乘金位，於斯可知。餘皆倣此。用曾氏瀉肺湯，加柴胡、黃栢、知母、生地，以清肺火。或曾氏清肺飲，亦可。不然，則聲啞、氣喘、暗慘而不生矣。

百十六問血虛者何也

夫肝者，血之海也。肝虛則血虛。若肝虛則痒而難灌，膿右臉微有白色，乃金乘木位，豈不謂之虛乎。宜黃芪、白朮四物湯治之。

百十七問血實者何也

肝實者，兩脇緊痛，口苦舌乾，唇燥目青赤，身熱不除。

右臉微有黑色。水乘木位。豈不謂之實乎。宜斟酌加減施治。

百十八問血寒者何也

夫肝寒則血寒。若肝寒則目清筋縮。血凝不活。兩肋滿脹而嘔清水。或瀉下青菜汁色。者是也。右臉微有黃色。水土相剝。青者風之應也。其寒明矣。

百十九問血熱者何也

肝熱則血熱。亦應于目。目直似怒。黑睛紅凸者。或瀉下青苔色。稠粘不臭。及身熱罵詈。右臉微赤色者。火

也豈不謂之熱乎

百二十問表虛者何也

夫表虛者自汗惡風皮薄而不升發者乃表虛也宜
視症用藥

百二十一問表實者何也

夫表實者脾肺之屬也脾主肌肉肺主皮毛肺實脾
壯所以表實其瘡紅活綻凸肌肉痛而不可近者是
也畧與解散毒氣若悞與補藥則轉增瘡爛不能結
痂或閉塞不起發經所謂毋寒者是也若一補之變

諸危症候而不救者多矣。

百二十二問表寒者何也

表寒者重令開泄腠理而乘虛風邪或起便逆或欬於覆蓋爲冷所侵其候臉微赤或咳嗽惡風自汗是也。

百二十三問表熱者何也

其症翕翕發熱而合羽覆以其熱在表也。用桂枝湯少加柴胡量症用藥無不驗矣。又不可涼。古人云得熱發于四肢寒則不收也。

百二十四問裏寒者何也

裏寒者手足厥冷、咬牙寒戰、唇白面青、小便清白、欲水不飲者是也。

百二十五問裏熱者何也

內有實熱者、唇紅面赤、手足厥熱、小便赤澀、大便結秘、渴而飲水不止者是也、宜滋陰降火、醫者其知之。

百二十六問諸家用藥者何也

且如痘瘡之症、能詳審療治、百發百中、萬舉萬全、昔者曾楊二公、活幼之心、合天地仁人之心、予今欲體

二公活幼之心法，欲全幼童之患，故成此書。切見世
之用藥，不按陰陽表裏虛實，氣血衰盛，審症寒熱，切
脈一槩施治，悞人實多。吾請以諸家良方，開示于後。
如用陳氏辛熱之藥，劉氏苦寒之藥，錢氏溫平之藥，
有用朱氏之藥，有用仲景寒涼之藥，有用吳氏百祥
丸藥，有用楊氏人牙之藥，有用曾氏中和之藥。何者
爲是，何者爲非，取其長，著其短，使治症者各有所取。
驗症用藥，毋拘死法，隨症輕重施治，可奏十全之功。
則茲集爲壽世之書也，是則予之志也夫。

百二十七問用木香散者何也

歌曰小兒痘瘡木香宜。半夏前胡大腹皮。國老人參
陳與蒺。丁香官桂及阿梨。如陳氏木香散辛熱之藥。
內有丁香官桂可以治肺經之寒。茯苓半夏治脾經
之濕。肺果有寒。脾果有濕。此必中病之藥。肺果無寒。
脾果無濕。此燥熱之藥。何處消受。豈可止用一方而
治諸症乎。嗚呼。醫之泥者必曰。吾用辛熱之藥扶助
之劑。治之。我何罪焉。患者亦曰。汝用辛熱之藥扶其
陽氣。尚不能治。有何罪焉。患者不省其悞。醫者不省

其故兩不知悔，遂使生者往往悞死，豈不惜哉！世之治者，毋徒罪于疾，而不罪于藥也。

百二十八問用異攻散者何也

歌曰：異攻散，附子及人參，丁香木陳歸，木茯苓半夏肉果并官桂，厚朴同薑正可行。且如異攻散中有附子、白朮、除濕，皆是辛熱回陽香燥等藥，治脾胃沉寒，其瘡灰白頂陷，手足厥冷，大便泄瀉，面白唇青，嘔吐不食，脉息沉微而遲者，服之得効。若脾胃積熱，便秘結，瘡色焦紫，狂渴不寧，脉息洪緊而數，如服此等

之藥如抱薪救火其害非輕反加喘渴燥悶痒擦不生豈可一槩施治醫者切宜詳審不可妄投藥味

百二十九問用荳蔻丸者何也

歌曰七味荳蔻丸枯礬石脂研砂仁阿黎勒龍骨木香全且如荳蔻丸有龍骨赤石脂枯礬訶子砂仁木香等件皆是澁滯辛熱香燥之劑以治脾胃虛寒瀉痢無度滑瀉不禁口中不渴飲食少進瘡色灰白手足厥冷脉息沉伏服之卽効若脾胃有熱熱瀉黃赤裏急腹痛其瘡焦紫口渴熱盛脉息緊數若服此藥

禍害非淺。正是閉門趕賊。豈不悞歟。

百三十問用三黃熟艾湯者何也

且如胡氏三黃熟艾湯。苦寒之藥。評其藥性。內有黃芩黃連大黃等藥。以治脾肺二經之熱症。其瘡焦紫大便不通者。治之有效。是肺果有熱。脾果有火。故用此劑効也。若肺無熱。脾無火。此大寒之藥。與症相反。禍患不輕。醫者察之。

百三十一問用白朮散者何也

歌曰。白朮木香葛茯苓。藿香甘草共人參。痘瘡煎來

能退熱生津止渴効如神。且如錢氏白朮散治陰陽不和吐利後而無津液虛熱口渴治脾氣不足胃弱不壯者。若是脾氣果有虛損治之無不効矣。倘氣實而胃壯者用此藥則飽悶絕食而死者多矣。醫者反言穩當之藥不寒不熱溫平補藥有何罪焉。殊不知平穩殺人實悞于醫者不察症故也。

百三十二問化斑丸消毒飲者何也

且如消毒飲之藥乃是清涼之劑。內有牛蒡荆芥等藥以治熱毒大盛。若是身無熱毒而胃無燥實者服

之必致凝滯血氣而不能出反以爲害今見醫者不
審內外一槩治之傷損胃氣必然難生故經云凡諸
症須扶胃氣爲主胃氣豈可傷乎醫幼者不可不察
也

百三十三問用中和湯者何也

歌曰十宣散號亦中和朴桔參芪歸桂多甘草川芎
防白芷加增沉乳藿檀蘇且如曾氏中和之藥乃是
十宣散內加增沉香檀香藿香乳香紫蘇等藥通順
表裏大養脾胃調和血脈發散風邪辟除穢氣護心

托裏使瘡易出。若因血虛熱盛。瘡色焦紫。痒擦不定。大便燥結者。皆不可服。內有香燥之劑。切宜知之。若見此症。血虛宜用芪歸湯。四物湯。

百三十四問用芪歸湯者何也

歌曰。芪歸湯。芍藥甘草及川芎。內下人參共飲名。紫草茸。且如芪歸湯內有川芎。當歸白芍藥甘草等藥。以治痘瘡表虛裏弱者。肝虛血少者。其瘡發痒不能灌漿。或四五六日之間不能起發。綻凸者。急宜服之。

且曰。四聖丹。是。人參。白朮。黃連。黃芩。小柴胡。湯。已。久。

且如四君子湯以治脾胃虛弱飲食少進其瘡陷
大便泄瀉嘔吐氣虛不能起發咬牙者宜以服之若
見飲食倍進痘瘡起突者便利調勻者不宜服此醫
者若用此藥反加飽悶藥內有人參甘草以補其氣
而緩其中白朮茯苓利水有益于土是實其實故宜
戒之

百三十六問用升麻葛根湯者何也

且如仲景用升麻葛根湯治大小陰陽經受邪表症
身熱目痛鼻乾不眠瘡疹疑似之間出而未勻者此

乃升麻苦甘平而升至陰之氣上行葛根甘平而解
肌中之邪熱甘草甘溫以和中芍藥酸微寒調中氣
拒邪熱不犯胃寒而傷其表故以用之乃治痘瘡已
發未發皆可用之予今每嘆息醫家不按次第用藥
一槩施治悞人多矣或有可用而不可用者今人以
爲常例自取危困不詳究古人立方之意後學者不
能會之於心遂以爲一定之方故用此藥悞人實多
殊不知未發之先疑似之間宜服此藥使其解利肌
表之熱自然不悞一見痘瘡已發正盛之間雖有身

熱口渴者不可服之。其藥性寒涼凝滯氣血毒不能
泄反以爲害。若是結痂之後亦可服之。使其餘毒退
散氣順血和。免有痘癰之患。結痂之際表中有熱其
瘡不合急宜服之。解利肌表之熱。其瘡卽靨矣。若見
表虛自汗痘瘡已出之際皆不可發。恐表中火虛卽
成虛泡。空枯痒擦。故不可服。如悞用之。其禍非輕。乃
曾楊二公至囑。

百三十七問不宜用升麻葛根湯者何也

且如痘瘡始出。一日至五七日之間。雖有身熱或腹

脹足稍冷不宜用升麻葛根湯或身熱瀉渴者不宜也若身熱腹脹尤不宜用

百三十八問或用升麻葛根湯者何也

道有經有權兵有正有奇病有常有變常者可必變者不可必古人用升麻湯之意治痘疹之常不治痘疹之變常者未見斑點之先已結痂疔之後均宜用此發之解之若夫斑點既見及正出未收其症不一原無定論可拘如傷寒傳變不一也安可舉一藥以應無窮之變且升麻葛根湯藥性大寒不過涼肌解

表而已。昧者不知此理，既出未收之際，尚令服此，卽稟受虛弱者，亦一藥用之，故令肌寒表虛，陷伏危殆，非醫之咎而誰咎也。

百三十九問用紫草茸飲者何也

且如戴氏用紫草茸飲有效者何也。蓋症見身熱口渴，瘡紫，大便秘結，小便赤澀，不能起發，飲食如常，裏實者服之，其効如神。若脾虛泄瀉，灰白陷伏者，服之反足爲害。蓋紫草性寒，能動臟腑，故不可服也。又戴氏紫草茸飲，後人訛傳此方，缺其茸字，不知茸者，春

丹初萌之芽也。渾如嫩蓋。故用有效。仍以諸藥佐之。內有人參、黃芪、當歸、芍藥、川芎、甘草之類。今人不達其理。皆以紫草通身用之。誤人多矣。如用紫草須近根半寸代之。不可不知也。

百四十問用人牙散者何也

人牙散有用効者。有用不効者。何也。且如灰白痒陷擦者。若是血氣虛弱之症。用之必然無益。反添痒擦不定。若見青乾黑陷者。乃毒氣入腎。服之立見其功。蓋人牙齒者。乃腎之餘。加麝香導引入腎。使毒氣發

出故用有驗如此用藥大要看其痘瘡若見青乾黑陷根氣紅活人事清寧可服人事昏沉不可服也

百四十一問七金散者何也

且如一七金散治法勝似人牙散者乃曾氏之方也此藥專治黑陷者或紫點黑色者急宜用之內有穿山甲能療諸毒川烏大能開腠理而去風邪紅麩以助陽氣而益脾胃加麝香能通關竅引諸藥而發痘瘡之毒而行于外自然紅活若見精神昏暗口鼻冷氣不可救矣

百四十二問用活血散者何也

歌曰。活血四物換生地。甘草蘇紅亦用之。犀角丹皮解心熱。湯名二樣亦無疑。且如活血散用之。有効有不効者。蓋治痘瘡熱盛。焦紫而灌黑血者。宜以施之。凡見痘瘡周圍紫黑。中心陷伏。口瀉熱盛。服之甚効。若見痘色紫而淡白。陷伏不起。飲食少進。嘔吐泄瀉。手足厥冷。服之反能爲害也。

百四十三問用百祥丸者何也

且如百祥丸有用効者。有不効者何也。詳其藥性。內

有大戟以治膀胱之邪。膀胱者與腎表裏相通。毒氣入腎。其瘡色黑。陷青乾而腹脹者。應手而驗。蓋服之則腎中之毒從膀胱而出也。若不青乾黑陷而根葉不紅活。灰白頂陷者。人事昏沉。乾枯痒擦破無血者。俱不可服。如誤用則禍患非輕。

百四十四問用導赤散者何也

歌曰。導赤散七味。竹葉苓生地。木通赤茯苓。甘草麥冬備。且如導赤散所治。心經蘊熱。煩燥口渴。睡中呻吟。上竄咬牙。小便赤少。熱盛發驚。瘡色焦紫者。宜服。

之以內有黃芩瀉火而滋化源生地涼血而清心經
赤茯苓療心經積熱木通能瀉小腸之火而導滯淡
竹葉除熱而降于下麥門冬潤燥止渴加甘草瀉火
而和中故用之有效也若見熱少小便利而不赤瘡
不焦紫者不可用

百四十五問用紫草木通湯者何也

歌曰紫草木通名黃芩赤茯苓人參加糯米甘草亦
溫平且如紫草木通湯治痘瘡焦黑身熱瘡出不快
而小便赤少者服之內有水通以瀉小腸之火紫草

茸治諸熱而發痘瘡，赤茯苓瀉火而利小便，黃芩酒浸以解肌表之熱，用甘草以和中，而瀉火以扶正氣，人參以養氣，加糯米以助胃，不致下陷，故此有效。若見其瘡色淡而不起，裏虛而不實者，不可用也。

百四十六問用犀角地黃湯者何也

且如犀角地黃湯所以治痘瘡熱盛而灌黑泡者，大便不通，小便自利者，或內有瘀血而漱水不欲嚥者，宜以服之。若有內虛而不實者，或瘡不起紫泡者，內無畜血之症，皆不可用。內有生地黃、涼血解毒而破

死血丹皮以瀉陰火而去腸中之積血以犀角爲君能治心熱之狂言而鎮肝經故以用之凡爲醫者切宜詳輕重不可造次施治

百四十七問用黑龍丸者何也

且如黑龍丸內有鴉片辛熱苦澁之藥能治大腸寒涼瀉痢腹痛飲食少進人事昏沉手足厥冷痰白瘡色或瀉痢日久不禁者服之其効如神若見身熱瀉下赤黃口渴煩燥手足溫煖瘡色焦紫者不宜服之

百四十八問用當歸散者何也

歌曰。當歸散五味芍藥甘草是。麻黃并大黃發表亦
治痢。且如當歸散內有當歸活血。白芍藥補血。甘草
和中。用大黃不傷正氣。去腸中之積血熱。加麻黃開
腠理而引大黃破血中之熱。故能燥通表裏。爽利心
腹。祛其邪氣。而治瘡色焦紫。大便秘結。口燥咽乾。譫
語身熱。或起紫色者。下痢裏急腹痛。飲食進少。身熱
口渴。急宜服之。若虛食少。不宜服之。

百四十九問用四物湯者何也

且如四物湯乃治血虛發痒。其瘡色淡。或血熱而紫

赤者內有川芎，乃治血中氣滯，通肝經而行血。當歸分三治，乃血中之主藥，行肝氣，能活血，各歸其經。地黃通腎經，生精液而補血。白芍藥瀉脾經之火，能活血虛而治腹痛。若見胸中閉悶，去地黃而用陳皮，乃去胸中之閉氣。血中燥熱而紫赤者，去熟地黃而換生地，以涼血之燥熱。若見血熱而燥痒者，加蟬退、生地、芩連，去血中之燥熱。其瘡紫赤者，亦加酒炒芩連而施治。

百五十問 麥門冬散者何也

歌曰曾氏麥門冬內有白虎藏赤苓乾葛芍升麻治
渴狂且如麥門冬湯治麻痘熱毒頭痛煩悶狂渴譫
語及痘後虛煩者服之有效內有葛根解肌表之熱
而止渴人參能生津液而安神麥門冬生津液而止
渴赤茯苓瀉丙丁之火赤芍藥解熱而破血用升麻
而升至陰之氣以上行引石膏清肺金而制火能安
胃熱知母補腎水而降陰滋其化源以甘草瀉火而
健胃和中若見胃虛而無實熱煩渴者不可服之

歌曰麥門冬散朴人參白朮溫脾甘草陳內虛食少
皆宜服逐痰消渴効如神且如麥門冬散治痘發熱
煩渴大便不實飲食進少宜以服之內有人參白朮
以補脾胃而降火除濕佐以炙甘草以和中而瀉火
用橘紅逐痰而泄邪氣厚朴用薑制調中而進食以
麥門冬爲君退熱生津而瀉心中虛火若見胃實而
狂渴者又不可服

百五十二問用人參清肺飲者何也

歌曰人參清肺杏麻黃柴胡陳芍五味桑殼芥甘草

并薄荷煎之温服又葱薑且如人參清肺飲以治風邪客熱嗽聲不斷氣促喘悶痰盛鼻塞咳嗽失意并解時行痘疹斑瘡咳嗽音痛煩渴服之立効若見裏虛泄瀉飲食進少嘔吐手足厥冷其瘡灰白者皆不可服此藥內有柴胡除潮熱往來能調氣血枳殼治痞氣而化痰涎芍藥五味收肺中耗散之氣杏仁定喘而清金桑白皮瀉邪氣而保肺金荆芥下氣而清頭目薄荷清陽于頭面之風熱麻黃散肺中之結氣人參甘草扶正氣而和中能瀉火加葱薑而發肺中

之邪氣上升于肌表故名清肺散也若是表虛汗出
脈息沉微細小裏虛之症皆不可服也

百五十三問用快班散者何也

且如快班散者專治痘瘡欲出而不能起發服之其
効如神內有麻黃去節而存根開腠理而止汗紅麩
能補脾胃而助痘瘡升發于上用薄荷能解肌表使
痘瘡不致散漫以粉草之甘能補脾胃而和衆藥以
無爭故曰快班散

日服金水散不論少壯發後服之口

且如紫金丸治痘瘡不能起發瘡紫身熱口渴腹痛者內有白芍藥酒煮炒燥大能補血而定腹痛佐以辰砂以鎮心神降其浮流之氣火炙甘草瀉火而和中加雞腦用好酒化服前藥有助升發之意故謂有効矣

百五十五問用四物犀角湯者何也

且如四物犀角湯治痘瘡紫血泡身熱口渴瀉或兼焦紫而灌黑漿大便秘結譫語狂亂即與服之內有犀角解和心熱加酒炒芩連以解血中之熱佐以赤芍

藥破血而瀉火用當歸身而活血以組花丹皮蘇木
破死血而生新血用川芎而調經理氣而養血加甘
草以爲使而和中故有效也

百五十六問用五苓散者何也

且如五苓散寬氣飲用之或有效者或有不效者若
見身熱汗出小便不通煩燥口渴不眠者身熱自汗
大便秘結者用之乃用有效反以爲害殊不知五苓
散內有澤瀉味鹹能走腎經而損血亦治膀胱之火

前經而參熟地肉桂求其功非能散而益其功也

補脾而滲濕加肉桂味甘辛能補腎而益肝去濕又
補脾經故云肉桂後人不達前人立言之意止言桂
而一集用之悞矣官桂者薄桂也桂枝者桂稍也輕
薄者是也亦能發散肌表之邪而發其汗不能去濕
而補腎經用之亦能虛耗津液是虛之又虛也豈可
不究其性而妄施焉

百五十七問用寬氣飲者何也

且如寬氣飲治驚風發搐者或氣搐即氣鬱而搐或
痰喘氣急而氏悶者故曰蓄氣而成搐之留者氣鬱所

生自然安寧故用規嚴以實以泄氣加入參甘草
緩其中而補正氣焉

痘疹自問秘本終